

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0059710 26
Zenica, 15.07.2026. godine

OPĆINSKOM SUDU U ZAVIDOVIĆIMA
-Sudiji za prethodno saslušanje-
Z A V I D O V I Ć I

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ź N I C U

Protiv:

M. M., ...,

što je:

dana 01.08.2024. godine, oko 21,40 sati, u Zavidovićima, upravljajući putničkim motornim vozilom marke „...“, reg. oznaka ..., krećući se ulicom ... iz pravca ... prema autobuskoj stanici, preduzeo radnju skretanja vozilom lijevo u pravcu parking prostora u navedenoj ulici, a da se prethodno nije uvjerio da takvu radnju može učiniti bez opasnosti za druge učesnike u saobraćaju ili imovinu, vodeći pri tom računa o položaju vozila i pravcu i brzini kretanja, svjestan da na taj način može ugroziti javni promet i dovesti u opasnost život ljudi ili imovine većih razmjera, odnosno nastupiti zabranjena posljedica, ali je olako držao da ona neće nastupiti ili da će je moći spriječiti, pa postupajući suprotno odredbama člana 36. stav 1. Zakona o osnovama bezbjednosti saobraćaja na putevima u BiH, u ulici ... preduzeo radnju skretanja lijevo u pravcu parking prostora, kada nisu bili obezbijeđeni vremensko-prostorni uslovi za izvršenje cjelokupne radnje skretanja ulijevo iz desne saobraćajne trake kolovoza ulice ..., gledano iz smjera ..., prema Autobuskoj stanici na parking prostor, a s obzirom na brzinu i način kretanja i udaljenost u datim trenucima motocikla „...“ kojim je upravljao H. R., te ostvario kontakt svojom lijevom bočnom stranom vozila kojim je upravljao u dijelu prednjih lijevih vrata, sa prednjom stranom motocikla marke „...“, time tako ugrozio bezbjednost javnog saobraćaja, uslijed čega je došlo do nekontrolisanog kretanja i pomjeranja u lijevo motocikla marke „...“ u kojem nekontrolisanom kretanju je ostvario kontakt sa parkiranim pmv marke „...“, a potom i do kontakta sa parkiranim pmv marke „...“ i parkiranim pmv marke „...“, nakon kojeg kontakta je vozač motocikla H. R. pao na trotoar i tom prilikom zadobio teške tjelesne ozljede u vidu: višestrukih krupnih i sitnih preloma kostiju svoda i baze lobanje sa ozljeđivanjem velikog mozga, praćenim obilnim krvarenjem iznad i ispod tvrde moždane ovojnice, te difuznim krvarenjem u meke moždane ovojnice, te razvoja generalizovanog teškog stepena otoka moždanog tkiva sa posljedičnim povišenjem intrakranijalnog (unutar lobanjskog pritiska) koje je dovelo do gašenja funkcije za po život važnih centara u mozgu-centra za disanje, rad srca i cirkulaciju, uslijed kojih tjelesnih povreda je i preminuo dana 03.08.2024. godine u 22,00 sati u Kantonalnoj bolnici Zenica,

dakle, kao učesnik u prometu na putevima koji se ne pridržava prometnih propisa, time tako ugrozio javni promet, da je doveo u opasnost živote ljudi, pa je zbog toga prouzrokovao smrt jedne osobe,

čime bi učinio krivično djelo Teška krivična djela protiv sigurnosti javnog prometa iz člana 336. stav 4. u vezi člana 332. stav 3. u vezi sa stavom 1. KZ F BiH.